

Jacobi Alvarez de Paz Opera

De Exterminatione Mali, Et Promotio boni - Libri quinque

Álvarez de Paz, Jacobo

Lvgdvni, 1613

De initio particularis examinis, nempe de proposito emendationis. Cap. 9.

[urn:nbn:de:hbz:466:1-77843](https://nbn-resolving.de/urn:nbn:de:hbz:466:1-77843)

breuitas bonorum præiudicet perpetuae deuotioni, quæ pertinacem reproborum malitiam excusat non sufficit? Ob hoc enim procul dubio, inflexibilis & obstinata mentis punitur aeternaliter malum, licet temporaliter perpetratum: quia quod breui fuit tempore, vel opere longum esse constat in pertinaci voluntate: ita ut si nunquam moreretur, nunquam velle peccare desineret: immo semper vivere velle, ut semper peccare posset. Proinde potest, & de isto per contrarium itidem dici: Consummatus in breui, expluit tempora multa, quod merito multorum, immo omnium temporum receperit vicem, qui nullo tempore voluerit mutare intentionem. Itaque indefessum proficiendi studium, & inguis conatus ad perfectionem, perfeccio reputatur.] Huc usque Bernardus. Magna profectio est haec exultationis occasio, quod nempe si pro facultate laborauerimus, & vt homines prudentes, nunc ista nunc illa emendare curantes, ad finem usque perseuerauerimus, si quid necedum emendatum fuerit, premio efficacis voluntatis, qua illud etiam perfecsemus, si per tempus licuisset, nequaquam priuabimur. At si nihil speciale curamus, si nullum progressum specialem virtutis aggredimur, sed omnia simul virtutis munera ineffaci quadam voluntate complectimur, mirum erit, si aliquis sequatur profeccus. Qui vero parum profecerit, nunquam perfeccorum mercede recipiet. Est igitur utilissima haec specialis virtutum exercitatio, quia & oculos aperit, ut nostram infirmitatem ac Dei benignitatem videamus: cor deprimit, ut de nobis humiliter sentiamus: comprehendens perficit, vt mentis puritatem & pacem assequamur, & index est efficacis voluntatis, qua proficeremus, quia semper nos in aliquo emendat, ut iuxta mensuram huius voluntatis, quam ex gratia concepimus, & quantum fuit possibile, opere partiuimus, aeterno praemio latemur. Amen.

De initio particularis examinis; nempe de proposito emendationis.

C A P V T I X.

NO STRATUM est, hoc instrumentum ad capessendas virtutes esse utilissimum, nunc (quia ad usum est invenimus) eius usum explicemus. Quatuor autem diximus esse partes, ex quibus conflatur, scilicet propositum, curam, discussio-
nem, & collationem, quae nunc sigillatim exponen-
nenda sunt, ut virtutis cupidus facile positis eas actione
complere. Prima pars & velut initium totius
huius negotij est emendationis propositum. Debet
igitur qui vult progressum in virtute facere, usos de-
fectus, siveque spirituales miseras satis habere per-
spectas, inficeréque a quo vitio vehementius im-
pugnetur, a qua virtute magis elongatur, quis defectus,
sit velut dux & antequianus aliorum, a quo
velut a radice omnes alij dependent, & contra
hunc defectum specialissima cura, & ardenterissimo
conatu per aliquot hebdomas vel menses, quoniam
que illum vincat, & destruat, pugnare constitutus.
Hanc vero pugnam a proposito emendationis singulis diebus repetendo, inchoabit. Ita scilicet ut
mane cum surgit è lecto, firmiter se in illo de-
fectu usque ad horam examinis, ante vel post
prandium faciendo, emendare proponat: idem-

A que propositum in ipso examine repeatat, & usque ad sequens examen ad noctem faciendum, simili-
ter se emendare constitutus; & singulis postea diebus eandem propositi iterandi rationem habeat. Quod autem de proposito emendandi defectum dicimus, de proposito etiam exercendi virtutem, aetibus internis & externis, intelligendum est, cum victo defectu iam quis ultra progreditur, & ad virtutem oppositam exercitatione querendam conatur. Id quod dictum est, claritatis maioris gratia quasi ipso usu pandamus. Agnoscis, te esse superbum, veraque humilitatis virtute carere; & superbiam diuino auxilio vincere, a humilitatem a Deo obtinere constituis: Tunc incipis vestigare, quæ pec-
cata aduersus humilitatem admittas. Inuenis in multis te ex superbia delinquere; in hoc præcipue, quod te, & tua in conspectu aliorum stultissime landas, & fratres tuos, ac eorum dicta & facta stultius extenuas. Iam aduersus hunc particularem defectum, per aliquot dies, vel hebdomas spe-
cialiter pugnaturus, cum è lecto surgis, pedibus Domini prouolutus, his aut similibus verbis, non ore, sed corde prolatis, emendationem proponit. Domine Iesu Christe, humilitatis magister, & humili-
um amator, ego vermis superbissimus, & ob superbiam tuo amore indignissimus, cupio ex totis præ-
cordiis meis aduersus superbiam pugnare, & à te pretiosam gemmam humilitatis obtinere. Et quia in hoc vitio, & aduersus hanc virtutem præcipue stultissima mei laudatione & aliorum vituperatione delinquo: coram te firmissime statuo, atque propono, usque ad meridianam refectionem hodie me & mea prorsus non laudare, nec altos, aut eorum facta, vel dicta vilipendere. Tu Domine, sine cuius gratia nihil boni possum, me præueni, adiuua, ro-
bora, atque conforta, ut sicut nunc desidero, ita faciam, & hoc meum propositum impleam. Simili-
ter in hora examinis meridiani facies, & gratijs Deo actis, si propositum impleuisti, aut si in aliquem de-
fectum cecidiisti, intimi dolore concepto, & venia humiliiter postulata, idem propositum repetes: & sequentibus diebus usque ad emendationem eodem modo procedes. Hoc vero defectu eliminato, alium humilitati repugnantem, & postea alium D & sic deinceps assumes. Vicitis autem defectibus statues, te in aliquo actu humilitatis interius aut exteriorius exercere, singulis diebus per aliquot vi-
ces, & cum se occasio talis actus obtulerit, & post hunc in alio & sic de reliquis, quo usque te agilem ad opera humilitatis inuenias. Defectus autem aduersus quamlibet virtutem & actus eius, tum ex his, quæ de virtutis & virtutibus superiorius dicta sunt, tum ex his, quæ in fine huius tractationis dicemus, intel-
liges. Hoc propositum in aliquo se specialiter emen-
dandi, non fuit antiquis incognitum, quod certè gra-
tum fuit in Plutarcho reperiisse. Hic enim contra itam scribens, sic ait: Commendabam & illa, ut non inelegantia, neque indocta in precibus vota, ut annum Venere temperemus & vino, temperan-
tia Deum colentes; ut alias per statum tempus ab-
sistamus mendacio, nobis ipsis attendentis, ut &
in iociis, & in fetiis sumus omnibus veraces. Hinc accommodauit his animum meum, quasi non mi-
nus sit pius, ut festos dies primum ab ira tran-
quillus, aliquot quasi secos & abstemios translige-
rem, tanquam ferias agerem sobrietatis, & mel-
le libamina facerem: inde mensem post duos me-
ditando paulatim tempore progrediebar, promou-
ens tolerantiam, omnibusque vnguiculis incum-

lib. 6. 2. p.
per tota
¶ hoc i.
2. p. à c. 3.
usque ad
9.
Plut. de-
non tra-
cendo, ad
finem.

bens, & custodiens cum laude placidum me ipsum & sedatum, mundumque à verbis impuris, & rebus tetricis, & ab omni animi perturbatione; quæ exiguæ gratia voluptatis & sordidæ; æstus ingentes, & prætentiam fecum trahit foedissimam.] Sic ille. Qui licet longius tempus quam nos ad quamlibet emendationem habendam sibi prescribat, melius tamen & fructuosis erit, modicum tempus, ut vius, aut dimidiæ diei tibi prescribere, quia facilius erit, per breuem moram, quam per multum tempus à virtute temperare. Et hæc tam frequens propositi repetitio in bono firmat animum, & iuuat, ut alacrius contra vitium aut defectum assurgat. Propositum autem spiritualiter viuendi per partes esse diuidendum, & non omnia simul esse amplectenda officia virtutis, manifestè docet Ambrosius, in hunc modum scribens: Cuius modi igitur sit propositum virtutis sancti, hoc euidentius loco exponitur. Primum enim memor esse debet promissorum cœlestium, secundum quam viuentibus merces statuta debetur. Deinde aliud propositum viri sancti est, vt etiam si in periculis, & aduersis positus sit: spe tamen quam haustis ex serie scripturarum, se debeat consolari. Tertium propositum, ut etiæ impios & sacrilegos videat, & superbos iniquæ agentes, abundare diuitias in hoc sæculo: non quasi incredulus declinet à lege, sed in eius semitis perseveret, & fugiat superborum contagia. Contaminat enim omnis immundus, immundus autem superbus, de quo scriptum est: Immundus ante Deum omnis tumidi cordis. Quartum propositum viri, ut memor sit iudiciorum cœlestium, sicut David afferit, qui dicebat: Memor fui iudiciorum tuorum, quæ à seculo sunt.] Sic Ambrosius. Hinc perspicuit esse quoddam propositum boni commune, quo omne bonum aggredi, & in eo perseverare statuimus: aliud vero speciale, quo aliquod speciale bonum facere, & aliquod particolare malum vitare decernimus. De illo intelligitur quod in Actis Apostolorum scriptum est: Barnabas cum peruenisset, & vidisset gratiam Dei, gauisus est, & hortabatur omnes in proposito cordis permanere in Domino.] Monebat, inquam, eos, ut in ea bona, quam conceperant, voluntate tenendi fidem & seruandi Domino, sine vila instabilitate persistenter. De isto vero est illud Danielis: Proposuit Daniel in corde suo, ne pollueretur de mensa regis, neque de vino potus eius.] Item & illud Sapientis, qui de sapientia ait: Super salutem & speciem dilexi illam, & proposui pro luce habere illam: quoniam inextinguibile est lumen illius.] Hic enim aliquod speciale bonum, nempe amorem sapientiae & contemplationis: ille vero studium abstinentiae constituit. Istud speciale propositum saepe repetitum (ut diximus) quo aliquem particularem defensionem vitare, & aliquam specialem virtutem exercere decernimus, est huius instrumenti initium.

Thom. à
Camp.
lib. 1. de
inuitat.
Coristi.
c. 19.

Sed huic speciali proposito aliqua debent adiungi, vt non in sola voluntate maneat, sed in opus & vita conuersationem exeat. Horum primum, est firmitas: vt scilicet firmissime & ardentissime statuamus, defectum illum speciale fugere, vel actum illum virtutis in omni occasione praefare. Secundum propositum nostrum, inquit Thomas à Campis, curius profectus nostri, & multa diligentia opus est bene proficerre volenti. Quia si fortiter proponens saepe deficit; quid ille, qui raro aut minus fixe aliquid proponit?] Animaduerte tu, qui hac legis, si aliquando cibum saluti corporis aduerum manducaisti, quam firmiter statuisti de cæ-

Amb.
ad Psal.
118. for.
7.

Autor. 11.
23.

Daniel
1.8.
Sapien.
7.10.

A tero ab illo abstinere, ita ut posthac nunquam illum comederis. Vide si aliquam rem tuo honori aut commoditatí conuenientem iudicas, quam verè & stabiliter decernas apud te, quod illam omnibus modis es adeperus. Ita igitur statue, vitium fugere, quod anima nocuit, & virtutem pretiosissimam illi oppositam consecrari. Nam tepidum propositum, aut statim obliuioni trades, aut si eius memineris, ob præsentem difficultatem mutabis, & pro nihilo duces. Vult, & non vult piger, ait Salomon, anima autem operantium impinguabitur.] Vult manè, quando proponit, non vult postea, quando difficultatem sentit. Vult ab occasione frangendi propositum elongatus, non vult occasione transgreendi circumdatus. Vult, cum futurum præmium cogitat: non vult, cum præsentem laborem considerat. Recèt pigrī vocabulo denotatur, inquit Beda, qui vult regnare cum Domino, & non pati pro eo: delectant præmia, cum pollicentur: deterrent certamina, cum iubentur. De quo Iacobus ait: Vir duplex animo, inconstans est in omnibus viis suis.] Et filius Sirach: Væ peccatori terram ingrediens duabus viis!] Merito hæc de illo dicuntur, qui tepidè proponit, nam quasi duas habet animas dualique voluntates, quarum una bonum, quod pulchrum est, & appetit, amplectitur: altera idem bonum, quia sicut rosa spinis, ita difficultibus cingitur, detestatur. Duas etiam vias & contrarias ingreditur, quarum una, quæ est in proposito, ad perfectionem tendit: & altera, quæ est in opere, à perfectione se auertit. Propositum autem erit firmum & vehemens, sù quis magnum virtutis, quam adipisci studet, desiderium concipiat, quod desiderium firmitatem in propositis parit, & media ad rem concupitam asequandam necessaria querit, intenit, & actione impler. Si ad illam virtutem habendam, orationem, meditationem, spiritualem lectionem, Sanctorum, quos inuocat, adiutorium, & corporis asperitates dirigat: quæ omnia illud conceptum propositum, dum auxilium à Deo impellant, & voluntatem suadent, & emolliunt, mirificè intendunt, & roborant. Si denique tempore eliciendi propositi omnem segnitiem & torporem pellar, & se ad fortiterstatuendum, & ad victoriam de se ipso in obortis difficultatibus obtinendam inclinet. Sic conueniet illi, quod de fortissimis Saul & Ionathæ cecinit sanctus David: A sanguine interfectorum, ab adipe fortium, sagitta Ionathæ nunquam reddit retrosum, & gladius Saul non est reuersus inanis.] Quia propositum virtutis ita firmiter factum, velut sagitta, via à viro iusto interficienda confodiet; & quasi gladius, adipem eorum, id est, robur & vires, excidet. At si tepidè nostram emendationem propositerimus, dicetur de nobis illud Psalmi: Filii Ephrem intendentess & mittentes arcum, conuersi sunt in die belli.] Et poltea: Et auerterunt se, & non seruauerunt pacum: quemadmodum patres eorum conuersi sunt in arcum prauum.] Arcum enim intendimus, & sagittam misimus, & pacum cum Deo fecimus, cum bonum aliquod statuimus. A Deo vero auertermur, & ad visibilia dimissa conuertimur, & pacum non custodimus, cum postea ea, quæ statuimus, non seruamus. Item & illud Osæ ad nos applicabitur: Reuersi sunt ut essent absque iugo; facti sunt quasi arcus dolosus.] Absque iugo enim efficimur, cum propositum boni, cui vi iugo Domini colla subiecimus, per transgressionem abiiciimus: & quasi arcus dolosus redimur, cum unum opere facimus, & alio sagittæ propositi collinemus. Non desiit itaque proposito firmitas, quæ nos stare verbis faciat, & ad id,

quod

Prouer.
13. 4.

Beda
ibid.

Jacobi. 1.
8.
Ecli. 2.
14.

1. Reg. L.
22.

Psal. 77.
9. 57.

Osa 7.
16.

quod statuimus, implendum inducat.

Aliud adiunctum proposito debet esse, fidelitas; vt scilicet in statuendo, Deo fideles sumus, & ei, quod suum est, tribuamus. Fideles enim, si proponamus, nos bonum esse facturos, non in nostris viribus, sed in gratia diuinæ auxilio confisi. Multi manè bonum proponunt, & hoc, aut illud se opere complecturos esse decernunt, & quia proponunt sine Domino, & in sua cura & diligentia confidunt, oblata occasione agendi deficient. Permitit id iuste Dominus, vt se ipsos agnoscant, vt humilitatem discant, vt ad eum pro auxilio recurrant, & non sibi ipfis, quasi aliquid sine Deo potentibus, fidant. Hi tunc, qui confident in virtute sua, & in multitudine dicitiarum suarum gloriantur. Qui videntes se aliquando viceris, & aliquem spiritus profectum comparasse, superbia quadam abscondita cogitant, aut ita se habent, ac si cogitarent, se iam ad bona posse sufficere. Sed hos frater non redimit, redimet homo? Hos, inquam, Christus, corum humana natura, & amore frater, qui non designatur eos vocare fratres, ab imbecillitate & cau iustè non liberat, etiam si potentissimus sit omnium liberator, vt in minoribus cadentes, malum superbie maius evadant: Quomodo ipsi homunciones vilissimi poterunt etiam post firmum propositum boni, se à malo, quod timent, contineat? Necesse est ergo, si volunt non cadere, vt ita proponant, quasi nihil per se possint, sed toti à Deo, sicut & in conceptione boni, ita & in actione dependant. Confidens hoc ipsum, inquit Paulus, quia qui coepit in vobis opus bonum, perficiet usque in diem Christi Iesu.] Ipse Apostolus fiduciam de initio, & progressu, & fine nostræ conuersationis in Deo collòcans, docer nos, candem fiduciām in eo collocare, vt in eius gratia propositum nostrum stabiles, ab ea ita roboretur, vt fructum bona operationis emitat. Discamus itaque ex Augustino, nostram magnam infirmitatem agnoscere, & à Deo toti pendentis, quod rectum & bonum est, statuere. Ille sic ait: Propter hoc oramus te Domine, ne permittas dominari, quod non fecisti, huic creatura tua, quam fecisti. Si enim doles de perditione: quid te prohibet, Domine qui omnia potes, ne semper laceris de nostra salvatione? Si vis, potes me salvare. Ego autem, et si vellem, non possem. Magna est multirudo miseriarum mearum mecum. Velle quippe mihi adiacet, perficere autem non inuenio. Velle quod bonum est non possum, nisi tu velis; nec quod volo possum, nisi tua potentia me confortet. Et quod possum, aliquando nolo, nisi tua voluntas fiat, sicut in celo, & in terra. Et quod volo, & possum ignoro, nisi tua sapientia me illustret. Et si etiam sciām, quandoque volens, quandoque valens, imperfecta & vacua transit sapientia mea, nisi adiuverit vera sapientia tua. In tua autem voluntate cuncta sunt possita, & non est qui possit resistere voluntati tuae. Domine, vniuersorum principatum tenens omnis carnis, & quemcumque vis, facis in celo, & in terra, in mari, & in omnibus abyssis. In nobis igitur fiat voluntas tua, super quibus inuocatum est nomen tuum.] Hac ille. Ita modo elicienda sunt à nobis emendationis proposita, omnem fiduciam in eo, qui elios erigit, & infirmos confortat, ponentibus, & ab eo bonum exitum sperantibus. Ita sint firma, vt firmitatem eorum, non à nostris viribus, sed ab auxilio Domini, nos praeueniente, adiuuante, & subsequente queramus. Sic fieri ut ille, cuius potenti brachio submittitur, nos ad agendum bonum adiuuet, qui

A ad statuendum adiuuit. Et cum ceciderimus, & proposito nō steterimus, id propriæ culpæ & misericordie tribuimus: cum vero propositum feruauerimus, non per inanem gloriam erigemur, sed Dei misericordiae deputabimus. Hæc autem erit tempore examinatio-
nisi nostra cantatio: Nisi quia Dominus erat in no-
bis, dicat nunc Israël; Nisi quia Dominus erat in no-
bis. Cum exsurgent homines in nos, forte viuos de-
glutissent nos. Cum irasceretur furor eorum in nos,
foris an aqua absorbuisset nos.] Nam si Dominus
tantisper se abscondisset, & nos nobis reliquistet, vi
tentationis oppressi nihil aliud quam cadere fecissemus,
& ab eo quod statuimus, elongari. Agenus illi gratias de nostra victoria, & hæc gratitudo aliam victoriā mercedebitur, illæque, qui humiles
respicit, & non sibi bonum tribuentes extollit, fa-
ciet, vt deinceps viatores de nostris defectibus ex-
stamus.

Psal. 123
1.2. 3.4.

B Tertius comes huius nostri propositi, sit longani-
mitas, qua per conueniens tempus in eo manen-
dum est, ne utique ad vitij deletionem & oppo-
site virtutis adeptiōem. Pugnam aduersus viuum
vitium incipere, & ante victoriā desistere, est non
aliud quam sine fructu laborare, aut ex eo quod vi-
llissimum esse solet, exigua utilitatem decerpere.
Nam si rex bellum aduersum Christianæ fidei ho-
stes indiceret, & ante ipsorum expugnationem eis
fœderaretur, non eos vinceret, sed faceret audacio-
res. Ita omnino, si ante obtentam de aliquo defectu
victoriā, ab eius infestatione cessemus, ab eo post-
ea vehementius impugnabimur. Vulpecula ab oli-
tore comprehensa le mortuas fingunt, ne occidan-
tur; ita defectus, quem validè infequimur à proprio
amore edocet, mortuus fingitur, vt dum ab eius im-
pugnatione defistimus, viuum relinquatur. David ti-
mens mortem sibi à seruis regis Achis inferendam,
simulauit os suum coram eis, & collabebatur in-
ter manus eorum: & impingebat in ostia portæ, de-
fluebantque saliuæ eius in barbam.] His omnibus
hominum amentium signis se amentem fingebat, vt
mortem effugeret. Sic passio immoderata, aut culpa
nobis infesta, se nullius momenti esse simulat, vt
curam nostram, qua aduersus illam pugnabamus,
effugiens, robustior, & molestior euadat. Aptius au-
tem figurant hac habitatores Gabaon, qui indu-
menta vetera, & calceamenta discissa, omnique la-
cera præferentes, quasi homines in longissima terra
habitantes, & nullius estimationis, magis vero com-
passionis digni, pacem & libertatem efflagitabant. Ira
detectus nostriam quasi à longè tantum clamant, &
se lassos, & fatigatos, & nullius momenti demon-
strant, vt in nobis habitare sinantur. Ne paucum in-
camus cum eis, nec viuos eos relinquamus, quia
non seruient nobis, sicut Gabaonite seruierant, sed
nos potius in miseram seruitatem inducent. Pugna-
sti, ô frater, aduersus vitium illud, quod est om-
nium miseriarum tuarum initium, exarmasti illud,
& vires eius dimicando fregisti? Nunc facile erit,
hostem omnino delere. Ne, quæso, à bello ces-
ses, donec funditus illum extinguis, & affectum
tuum bene moderatum sentias: quia si vitium vi-
uum reliqueris, iterum te armabis, & vires refunet,
& post paucos dies, ac si nihil laborasses, te inuaderet,
& fortassis euerteret. Ex altissimo puto amorpham
aqua plenam pene haufisti? Ne illam è manibus
labi sinas, prius quam bibas, & tuam sitim exaties:
quia si in hoc minus diligens fueris, post multum
labore vacuus & sitiundus permanebis. Quid
enim aliud est, virum iustum se in aliquo vincere, ni-
si ex puto cordis sui aquam dulcisimam profectus

I. Reg. 21
13.

Iofse 9.
4.

haurire? At si ante plenam tui defectus victoriam
aliò te conuerteris, & rem semifactam desueris,
quam profectus, quam omnino non extraxisti, non
bibes, extuóque labore nullum aut paruum refrigeri-
rium accipies. Dicit tibi Dominus, quod Eliæus ad
Iosas regem Israel: Percute jaculo terram.] Quid si
vt ille rex tribus tantum vicibus terram percusseris,
trabitus tibi Dominus, dicetque ad te: Si percussiles
quinquies, aut sexies, sive septies, percussiles Syriam
vsque ad consumpcionem. Si, inquam, in pugna per-
seueras, & maiorem tibi vim intulisses, vitium tibi
imperans subiugales: at quia ante tempus cœlasti, ip-
sum proteruum, & nunquam bene viciū, immo &
semper contumax senties.

His tribus comitibus, firmitate, qua stabiliter &
feruenter bonum statuamus; & fidelitate, qua non
in nobis, sed in Deo confidamus, & longanimitate,
qua in cœpto perseueremus, propositum nostrum ef-
ficaciter vsque ad emendationem vitij, & virtutis
adeptionem proceder. Simus itaque sicut strenuissi-
mus dux, qui firmissime decrevit aut hostes vince-
re, aut in prælij conflieti perire. Qui licet hodie vin-
catur, statim milites suos dispersos colligit, & iterum
exercitum cogit, hostem querit, & cum eo animosè
congreditur. Et si multoties euentum belli sentiat
aduersum, nunquam cessat, quoque aur vincat,
aut pereat. Sic & nos licet sœpe in defectum im-
pingamus, licet sine numero prosternamus, nequa-
quam à pugna cessemus, sed ac si nunquam viciū fu-
semus, ad bellum animosè & perseueranter reuer-
tamur, quia sic facientes, absque dubio non peribim-
us, sed vincemus. Quæ nos reuocant à proposito
nostro, inquit Bernardus, duo sunt: Rubor in-
cepti operis & desperatio exequenda virtutis. Ad-
uersus hos duos hostes, qui propositum eneruant,
pugnandum est; aduersus primum sancta libertate,
qua soli Deo placere studeamus, & opiniones ho-
minum pro nihilo habeamus: Aduersus secundum
firmissima spe, quod Deus nos pugnantes vsque ad
victoriam inuabit. Ut autem hi comites proposito
nostro non defint, semper utilia statuenda sunt, &
qua vires à Domino concessæ non superent. Si
enim inutile statuerimus, & quod ad finem virtutis
acquirienda non conferat, necesse est à proposito cel-
fare: si verò ultra vires nos onerauerimus, impo-
sibilitas aut difficultas nimia compellat à proposito
resilire. Sit igitur propositum discretum, quod onus
vitij superandi & virtutis assequenda quasi per
partes diuidat, vt à labore prudenter assumpto, mens
non desistat. Vnde Richardus Victorinus bene ait:
Multi sœpe multa proponunt, minimè tamen fa-
ciunt, quia quām facile aliiquid statuunt, tam facilè
rursum statuta reiūcent. Primo itaque obseruan-
dum nobis est, vt utilia statuamus. Secundò autem
vt statuta firmiter teneamus. Attende quām firmi-
ter statuit quod optimus ille deliberator optimum
esse perpendit. Iurauit, & statu custodiare iudicia iu-
stitia tuae. Auditæ de voti institutione? Audi & de
voti executione. Vota mea reddam in conspectu
omnis populi eius.] Sanctus David iuramenta, &
vota sua firmiter custodiens, quia nefas eset pro-
missis non stare, & quasi furtum sacrilegum, quod
Domino oblatum erat, iuramenti aut voti fractione
surripere. At tu, vir Dei, non solum vota tua (de quo
alias), sed & propria tua, non minori diligentia
custodias. Licet enim haec transgredi, crimen non sit,
at ab inconstanti & leuitatis nota excusat non pos-
test. Et hic tibi documenta præscribimus non tau-
tum quibus in peccata non cadas, sed quibus in vir-
ture proficias. Quem verò profectum, quod virtu-

4 Reg. 13.
9.

Bern. in
sentent.

Rich. lib.
2. de eru-
dit. inter-
hom. c. 5.

tis incrementura expectabis, dum statu bonum fa-
cere, & non facis, si virtus actione crescit, & propo-
situm, quod actio non sequitur, solum ex infinitate
voluntatis, se efficacitatis experti ostendit? Dum
instinctum Dei excipis, & actione præstare constitu-
tis, quasi verbum Dei audis: dum autem postea non
exqueris, te verbo Domini non obedire proferis.
Quid autem dicit Jacobus Apostolus? Estote fa-
ctores verbi, & non auditores tantum fallentes vol-
metiplos.] Quia si quis auditor est verbi, & non fa-
ctor, hic comparabitur viro consideranti vulnus na-
turalitatis sue in speculo: considerauit enim se, & abiit,
& statim oblitus est qualis fuerit.] Consideras vul-
num tuum in speculo, quando in moribus & con-
uerstatione Christi te inspicis, & anima tua maculas
aduertens, eas delere & emendare proponis. Sed statu-
tim obliuisceris, & compunctionem abiciens, cum pro-
positum tuum, cuius executione emendaris debue-
ras, non exqueris. Quid profuit te ipsum infelix-
te? Certè nihil, nisi ut maiorem penam sis habitu-
rus, quia vidi quod factò opus erat, & præ magna
negligentia tua facere non curasti. Ut ergo pro-
positum tuum sit ad meritum, & profectum tuum, in
bono, quod statuendo cœpisti, procede, & illud
actione præstare non omittas.

Jacobi 1.
22.23.

De Progressu particularis examinis, nempe de cura interdiu habenda.

CAPUT X.

PA C T O manè firma emendationis pro-
posito aliquius defectus specialis (vt di-
ctum est) qui virtutem concupitam op-
pugnat, vel exercitationis eiusdem virtutis,
quam mens iusta desiderat, sequitur cura semper
habenda eiusdem virtutis exercenda vel defectu
declinandi. Hæc verò cura, o perfectionis amator,
nihil aliud est, quām vt per totum diem, moderatam
& discretam illius tui propositi memoriam habecas,
& oblata occasione in eius executionem diligenter
incubas. Meditare nunc strenuum militem, cu*la*
rege commissum est, vt contra potentissimum aduer-
sarium descendat ad singulare certam, ex cuius victo-
ria tota salus suorū, & aduersariorū fuga, excidiumq;
depèdet: Is quas cogitationes animo voluer? Quod
in fedelideneri vincendi, quem ardorem suscitabit?
Quanta solicitudine armis se proteger? Quām at-
tentus ad pugnam ibit? Quām animosus certamen
incipiet? Quanta indignatione & fortitudine ho-
stem aggredietur, ex cuius interitu suam & suorum
vitam suspensam esse cognovit? Considera etiam
negotiatorem, vxorem, filios, & familiam haben-
tem, quibus ex suo labore ministratur est cibum,
quām diligens è lecto surgar ante diluculum, vt se
ad laborandum accingat? Et quām seuerè sibi im-
peret, ne aliquam lucrandi occasionem prætermittat?
Ecce ipsis, quam tibi indicimus curam addisce.
Nam si vitium aliquod oppugnare decreuisti, miles
es, cui Dominus supremus rex onus vincendi infi-
ssiuum sibi hostem imposuit: si verò virtutem op-
positam assequi proposuisti, negotiator es, cui lu-
crandi coelestes diuitias munus iniunxit. Ne ergo
prouinciae tibi demandatae obliuiscaris, sed tales in-
terdiu cogitationes assume: talia desideria habe, tan-
ta in omnibus diligentia procede, quæ te ad victori-
am vel ad lucrum exfulcent. Solicitat nos anxia

cura